



Yolanda Amieil Sangüesa, secretària accidentau deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària de 15 d'abriu de 2024, adoptèc, entre d'auti, er acòrd següent e que transcrit literaument ditz:

“4au.- APROBACION, SE PROCEDÍS, DETH PLEC DE CLAUSULES ADMINISTRATIVES PARTICULARES, DER EXPEDIENT DE CONTRACTACION E DERA LICITACION DETH SERVICI DE CUSTÒDIA E VIGILÀNCIA DES RAMATS DETH BAISH ARAN MEJANÇANT PROCEDIMENT DUBÈRT, DAMB TRAMITACION ORDINARIA [ADMINISTRACION GENERAU DETH MEDI AMBIENT/INNOVACION].- (Exp. num. 4025-0002/2024)

Vista era memòria justificativa deth servici deth Conselhèr de Territòri, Paisatge e Cambi Climatic, ena quau se da compde deth besonh de realizar eth contracte des servicis “Custòdia e vigilància des ramats deth Baish Aran”.

Vist eth Decret de Sindicatura num. 0217/2024, d'11 d'abriu en que se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de prescripcions tecnicas e de clausules administratives particulars redactat.

Cosset damb eth certificat favorable d'existència de credit adequat e sufisent dera Intervencion de Hons, eth finançament deth servici a contractar ei previst enes aplicacions pressupostàries deth pressupòst generau vigent 2024, num. 2024/01.170.227.06 entath lòt 1 e 2024/01.433.227.06 entath lòt 2.

Cosset damb çò que dispausen es articles 17, 25, 28, 116, 117, 118.1, 122, 156 e Disposicion adicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [publicat en DOGC num. 8980 de 16 d'agost de 2023 e BOP Lleida num. 159 de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Aprovar iniciaument eth Plec de Prescripcions tecnicas e de clausules administratives particulars qu'a de regir era contractacion deth servici de “Custòdia e vigilància des ramats deth Baish Aran”, plec que s'adjunh coma annèxe en expedient e que





demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau cent ueitanta nau mil nau cents setanta euros damb noranta sèt centims (189.970,97€) IVA includit.

Dusau.- Aprovar er expedient entara contractacion deth servici de “*Custòdia e vigilància des ramats deth Baish Aran*”, mejançant procediment dubèrt, damb tramitacion ordinaria, cossent damb çò previst enes art. 28, 116, 117 e Disposicion adicionau tresau dera LCSP.

Tresau.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de quinze (15) dies obrants entara presentacion d'aufèrtes, cossent damb çò que dispause er article 156 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà hèr efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau còste ar efècte oportun, signi aguest certificat d'orde e damb visteplatz dera Sindica.

Vielha, signat electronicament

Vist e platz
Era Sindica

Maria Vergés Pérez